

20

DIE XIII. MAJI.

OFFICIUM

S. SECUNDI
EPISCOPI,
ET MARTYRIS,

IN OMNIBUS REGNIS, AC DOMINIIS
Hispaniarum sub ritu duplici minori
recitandum.

Omnia dicuntur de Comuni unius Mart. Pontificis tempore Paschali, præter hæc, quæ habentur propria.

Oratio.

Infirmi-
tatem nostram
respice omnipotens
Deus, & quia pondus
propriæ actionis gravat,
Beati Secundi Martyris
tui, atque Pontificis in-
tercessio gloriosa nos
protegat. Per Dñm.

*Ad Matutinum omnia
de Comuni Martyris*

Pontificis, tempore Paschali.

IN I. NOCTUR:

*Lectioes de Actibus
Apostolorum: A Mileto
Paulus, ut in Comuni
Martyris extra tempus
Paschale.*

IN II. NOCTUR:

Lectio iv.

Secundus, Torquatus,
Eresiphon, Indale-
cius, Cæcilius, Hesi-
chius, & Eufraſius in-
tegrissima

tegerinnæ vitæ Socii, ab Apostolis Petro, & Paulo creati Episcopi, ad prædicandum Christi Evangelium in Hispaniam mittuntur. Qui prosperam (favente Deo) navigationem tenentes, Accin Baticæ Turdetanæ Urbem, Guadix nunc vulgò nominatam, appulerunt, cūque ipsorum aliqui felsei ex itinere prope Urbis incenia quiescerent, alii Urbem ad emendum cibum ingressi sunt. Sed eos multitudo infidelium, qui festum diem suorum Deorum agebant, extra Urbem eiecit, factoque impetu ad fluvium usque persecuta est: in fluvio pons erat miræ magnitudinis, & summitatis, qui tunc Dei nutu cum infidelium multitudine, à qua occupatus est, corruit.

B. Lux perpetua.

Quo miraculo ceteri perterriti, respicientes Idola, in Christum crediderunt, imitati Lupariam quandam Senatricem magnæ auctoritatis mulierem, quæ Divino instinctu sanctos Dei benignè excepit, & in Christum credidit, & Adiculam extruxit, quam Salvatori dedicavit. Post quæ Torquatus Accis præfecto, reliqui diversis ejus Provinciæ civitatibus evangelizarunt, in quibus Secundus, qui Abulam civitatem docendam suscepit, multos vitæ exemplo, & prædicatione per Evangelium Deo genuit. Tandem post multos pro Christo toleratos labores, moriens suo sanguine Abulentem Ecclesiam Deo vero consecravit.

B. In servis suis.

Leſſio vi.

CUM verò ejus Corpus carnis ignotum diù jacuiſſet, anno milleſimo quingentefimo decimo nono divinitus inventum eſt. Nam cæmentarii dum labentem Templi parietem demolirentur, ſub ejus fundamentò lapideam arcam invenerunt inſcriptam his verbis : Sanctus Secundus è qua tanta odorum ſuavitas emanabat, ut Templum, & vicina loca perfunderet. Contigit quoque in Sancti Corporis Teſtimonium, ut unus ex cæmentariis, hernia morbo inſanabili laborans, ad aſpectum Sancti Corporis convaleſceret. Quarum rerum percrebriſcente fama, innumeri homines ad viſendum Sancti Secundi corpus venerunt, ac plerique variis morbis

laborantes, Sancti Secundi meritis ſanati ſunt. Hujus Sancti Episcopi, & Martyris Reliquiæ multis illuſtratiæ miraculis, in antiquiſſimo Templo, quod in Abulæ Suburbio eſt, per longa tempora aſſervatæ ſunt. Hinc in Primarium Urbis Templum translatae ſunt, & in Sacello ipſi Sancto dicato reconditæ, ubi frequenti, & incredibili totius Populi devotione coluntur.

R. Filiae Jeruſalem.

IN III. NOCTUR.

Homilia Sancti Auguſtini Episcopi in Evangelium : Ego ſum vitis vera, & Pater meus agricola eſt, de Comuni Martyrum tempore Paſchali primo loco.

HISPA-

HISPANIARVM.

AD pias Serenissimi Regis Catholici, enixasque Romanorum Archiepiscoporum, Episcoporum, & Capitulorum Ecclesiarum Hispaniarum preces Sanctissimo Domino nostro pro extensione Officii proprii Sancti Secundi Episcopi, & Martyris exhibitas, à Sanctitate sua ad Sacram Rituum Congregationem remissas, atque per Eminentissimum, & Reverendissimum Dominum Cardinalem Belluga relatas, Sacra eadem Congregatio suprascriptum Officium cum Oratione, & Lectionibus primi, & secundi Nocturni propriis pro Ecclesia Abulensi, jam approbatis singulis annis die 13. Miji in omnibus Regnis, ac Dominis Serenissimo Regi Catholico subjectis ab uniuerso Clero Sæculari, & Regulari utriusque sexus ritu duplici minori, seruatim tamen Rubricis, recitari posse benignè concessit. Die 3. Julii 1728.

N. Card. Cossia.

Loco ✠ sigilli.

N. M. Teateschi Archiepiscopus Apamensis,
Sac. Rit. Congreg. Secret.